

Broj:06-02/1-1063/21 BB
Sarajevo, 22.04.2021. godine

BOSNA I HERCEGOVINA
FEDERACIJA BOSNE I HERCEGOVINE
PARLAMENT FEDERACIJE
DOM NARODA
n/r, G-din Izmir Hadžić-Sekretar

Bosna i Hercegovina
Federacija Bosna i Hercegovina
PARLAMENT FEDERACIJE
SARAJEVO

Prilijeno: 27-04-2021			
Org. jed.	Broj	Priloga	Vrijednost
02	- 02 -	581	21

PREDMET: Odgovor na poslaničku Inicijativu, dostavlja se

U vezi akta broj: 05/2-02-581/21 od 22.02.2021. godine, koji je dostavljen ovom organu dana 07.04.2021. godine, kojim se traži odgovor na Inicijativu za izmjenu Zakona o osnovama socijalne zaštite, zaštite civilnih žrtava rata i zaštite porodice sa djecom, pokrenutu na 9. sjednici Doma naroda Parlamenta Federacije Bosne i Hercegovine od izaslanice Ive Raguž, dostavljamo traženo kako slijedi:

Sačinjavanje ocjena medicinskog vještačenja zdravstvenog stanja za „neratne invalide“ po Zakonu o osnovama socijalne zaštite, zaštite civilnih žrtava rata i zaštite porodice sa djecom („Službene novine FBiH“, broj:36/99;54/04;39/06;14/09;45/16 i 40/18) je regulisano unutarnjim aktima Instituta i to: Zakonom o osnivanju Instituta („Službene novine FBiH“, broj:70/07 i 26/14), Pravilnikom o kriterijima i postupku medicinskog vještačenja zdravstvenog stanja („Službene novine FBiH“, broj 06/10), Listom invaliditeta i Naputkom za primjenu iste („Službene novine FBiH“, broj 32/10), te Pravilnikom o ocjenjivanju oštećenja organizma kod osoba sa invaliditetom u postupku ostvarivanja prava po Zakonu o osnovama socijalne zaštite, zaštite civilnih žrtava rata i zaštite porodice sa djecom, kao unutarnjem aktu Federalnog ministarstva rada i socijalne politike. Za vještačenja iz drugih oblasti se primjenjuje Lista invaliditeta, te zakoni i podzakonski akti kojima se reguliše pitanja zaštite osoba sa invaliditetom iz oblasti PIO/MIO, ratnih vojnih invalida itd.

Zakonom o osnivanju Instituta za medicinsko vještačenje zdravstvenog stanja uređuje se djelatnost Instituta, postupak medicinskog vještačenja zdravstvenog stanja u oblasti: mirovinskog i invalidskog osiguranja, socijalne zaštite, dječije i invalidske zaštite, zaštite civilnih žrtava rata, braniteljsko-invalidske zaštite, obrane i u drugim oblastima. Pod medicinskim vještačenjem smatra se vještačenje kojim se ocjenjuje trajno stanje organizma, radi ostvarivanja prava.

Članom 7. Pravilnika o kriterijima i postupku medicinskog vještačenja radi ostvarivanja prava po Zakonu o osnovama socijalne zaštite, zaštite civilnih žrtava rata i zaštite porodice sa djecom, cijenit će se samo trajne odnosno konačne promjene u zdravstvenom stanju, odnosno trajno oštećenje organizma koje je prouzrokovano

bolešću (urođenom ili stečenom) ili povredom i koje se **ne može otkloniti mjerama medicinske zaštite.**

Pravilnikom Federalnog ministarstva rada i socijalne politike je određeno da se medicinska vještačenja za „neratne invalide“ obavljaju na temelju Liste invaliditeta i Uputstva za primjenu iste.

Članom 3. Liste invaliditeta je određeno, da za sve oblasti u kojima Institut obavlja vještačenje, procenat invaliditeta utvrđuje se trajno, ukoliko postoje izgledi da će se oštećenje organizma stabilizirati t.j. poboljšati ili pogoršati primjenom bilo kojeg medicinskog sredstva ili metode, može se utvrditi kontrolni pregled.(ovaj član se odnosi na sva vještačenja iz nadležnosti Instituta pa i za korisnike „neratne invalide“).

Stoga je nejasno da se Inicijativa odnosi samo na Izmjene zakona o osnovama socijalne zaštite, zaštite civilnih žrtava rata i zaštite porodice sa djecom.Po našem mišljenju u vještačenjima naših korisnika se primjenjuje bolje rješenje, u smislu da je institut kontrolnog pregleda predviđen samo kod djece u razvojnoj dobi do 15 godine života. Kod svih odraslih osoba se invaliditet trajno utvrđuje bez obaveze kontrolnog pregleda. Pošto jednom utvrđeni invaliditet, za djecu u razvojnoj dobi, nije trajna kategorija t.j, može se mijenjati primjenom medicinskih sredstava ili metoda nabolje ili nagore je i predviđen institut kontrolnog pregleda. Poslije navršene 15-te godine života sačinjava se trajni nalaz o invaliditetu.Stoga predlažemo da se navedena Inicijativa za izmjenu Zakona o osnovama socijalne zaštite, zaštite civilnih žrtava rata i zaštite porodice sa djecom ne usvoji.

S poštovanjem,

